

Naalackersuisut peqquneqassasut takornariaqarnermi suliffeqarfiit ingerlatani nalunaarusiakkut qulaajassallugit, qanoq iliornikkut nunaqavissut inatsisitugit allaffisornikkut aqqissuussaantigullu il.il sunniteqarnerpaamik aaliangiisinnalernissaat, nalunaarusiaq kingusinnarpaamik inatsisartunut agguanneqassaaq UPA 2023, inatsisartut aalajangigassatut siunnersuut.
(Siumut Inatsisartut gruppiat)

Isumaliutissiisut

(Nunanut Allanut, Inuussutissarsiornermut Niuernermullu Naalackersuisoq)

Siullermeerineq

Siumut Inatsisartut gruppianiit aalangiiffigissasatut siunnersuutitut Naalackersuisut qujassuteqarput.

Suliffeqarfiit takornariaqarnermik ingerlataqartut nunaminni sunniteqaqataanerunissaannut siunnersuuteqartut kissaataat Naalackersuisut isumaqataaffigaat. Sumiiffinni takornariaqarnermut tunngasunut kalaallit sunnerneqarnerunissaannut pisariaqartitsineq Naalackersuisut isumaqataaffigaat.

Takornariaqarnermut tunngasunik sulianut ersarissumik paatsoorneqarsinnaanngitsumillu inatsiseqartariaqarpoq, aningaasanik isertitsiffiulluarsinnaasunik nunarput qulakkeerinnissinnaaniassamat. Nunatsinni takornarialerinermit tunngasunik suliallit qulakkeerneqarnerusariaqarput, sumiiffinni innuttaasut takornariaqarnerulernermit piginneqataanissaanik misigisaqaqqullugit. Erseqqissaatigineqartariaqarpoq, Kalaallit Nunaanni nunanit allanit aningaasaliineq mattunneqarsinnaanngimmat, taamaattorli sumiiffinni iluaquteqarnissaanik kinguneqartussamik siunertaqassalluni.

Takornariaqarnermut tunngasunut inatsit atuuttut misissoqqinneqarnissaannut Naalackersuisut aallarnisaarusupput, taamatuttaaq ukiuni aggersuni naatsorsuutaareersimasutut takornariaqarnerulernissaanut piumasaqaatinut piumasaqaatinik maleruagassanik pitsaasunik Kalaallit Nunaanni takornariaqarnermut tunngasunik inatsisinik suliaqarnissamik aallartisartoqassalluni. Taamaattumik inatsisinut allaffisornikkullu aqqissuusaanernut siunertaqartumik nalunaarutiliornissamut manna siunnersuut, suleriaqqinnissamut ilisimasassanut tunngavilerluarnissaanut pisariaqarpoq.

Taamaattumik innersuussutigineqartoq akuerineqarnissaanut Naalackersuisut akuersaarput.